

度

支

奏

議

度支奏議目錄

堂稿十五卷

遵永初復敬陳目前切要事宜疏

題大同并延慶平三府新餉兌抵年例疏

虜倣請罪自陳疏

新印鑄成恭繳舊印疏

覆南臺表御史措歛太急疏

四懇罷斥疏

酌發雲鎮募造銀兩疏

永鎮餉務有屬差官宜省疏

題遵奉 聖諭議修鹽政疏

遵奉 聖諭議修屯政疏

夏支奏議卷之十五

太子少保戶部尚書淄青畢自嚴視草

遵永初復敬陳目前切要事宜疏

題爲遵永初復餽餉方殷敬陳目前切要事宜以
資供億以圖樽節事本年五月二十一日准兵
部咨該兵部題爲直挾招寇之源備陳固圉之
策仰祈

聖明裁擇函圖善後事本月十九日奉

聖旨夷虜狂逞數月克城修備已自後時內外文武

諸臣懲往愆來急宜力圖實着這各款俱屬當行
須一一如法責成刻期幹辦有事關各部的有事
關督撫的該部還分別咨會令詳列規條具奏該
科記着欽此欽遵咨會到部竊照狡奴入犯蹂躪
內地遵承之間幾成腥羶之鄉矣仰荷我

皇上赫怒威靈撻伐用張將士用命恢復名城嗟此
子遺業起湯火而躋之衽席矣惟是軍餉之浩
煩也閭閻之空匱也運道之乍通而虞阻也新
營之初立而難成也何以濟飛輓之窮而通其

變何以杜濫觴之漸而防其流臣蓋日夜總鯁
然慮之誠有不可不蚤加酌議亟爲申飭也者
况奉

明旨俾令條議豈容無說而處於此謹具七議條列
如左一議勸種晚田自奴據內地導永一帶處
處擄掠在在逃徙已無故土之思寧有樂業之
念卽有安種秋田者不過十分中之一二耳轉
眼秋深萬物彫殘嗟此數萬窮民賑不勝賑不
死於賊未有不死於饑寒者且也兵馬鱗集米

珠薪桂將何賴、藉爲今之計、惟有勸種晚田、
着而已、今宜大張告示、曉諭萬姓、俾知農爲治
生之本、招撫流移、各歸故處、仍令遵承、各該有
司、細查現在百姓有田土者、某里某人、責令上
緊耕耨、若無主者、招人承種、方今雨澤時而土
膏潤、倣古人田畷之意、巡行省耕、量給牛種、勸
令及時力穡、無致荒蕪、是亦今日之急務也、儻
獲秋收、則不惟民間之蓋藏可裕、當年之樂利
漸復、而於軍實糧草、亦大有裨益矣、一議責成

水運軍儲至重莫過本色古之論轉輸者言三十鍾而致一石蓋陸運之難也今主事姬文郁繇武清運薊州僅二百里照漕糧例每石百里脚價一錢七分便已至三錢之外若再至永平及各邊塞不減五六百里所費不貲幾與買價相等不已侈乎目今修守之役方新未艾若盡倚辦於薊門之遠輸非計之得也以臣愚見似當以水運爲主如薊州自有漕運新河在津發運直抵薊州如永平亦在津發運繇樂亭抵灤

河劉家墩等處起旱陸路僅四五十里終覺費
省而價廉耳若目下各邊急須糧料則先以薊
門之所餘者權濟遵城而以豐玉諸邑之所餘
者權濟永平務要星速發運若救焚拯溺然以
爲眉睫之計此外速催津門海運而姬文郁亦
將見在武清凍糧運入薊州早期竣事而聽薊
鎮餉司再運遵永亦可免匱乏之虞矣至於見
在兵將分信防守某地若干合用本色若干亦
須督撫早爲酌量預爲咨示而後可以如數轉

輸不致臨期呼籲者也一議修復召買各該邊
鎮原俱設有倉庾貯有本色有州縣民運上納
者有召商買納入倉者目今兵荒之後十室九
空民運固難驟望若召買一法行之有年一旦
固噎廢食非法之歟也人敝之耳今倉無顆粒
之積而軍需坻京之支計迫矣竊計人猜趨利
無所不至先是虜騎充斥之時猶有販米至三
屯者收買不下二三千石今若設法鼓舞夫豈
無之將見價值之增足招遠客芻糧所集不翼

而來於以致本色濟荒城至便也但須委殷實
之職官而毋委積猾之商役務使糧與價相當
而毋使價與糧相貿是在餉司兵道實心爲
國必自有一翻作用不至虛糜亦不至乏絕耳嗣
後仍當修復召買之政估價必準秋成完納務
遵部限給發毋聽折乾銷算毋容支吾仍責新
舊二餉司各自清查直窮到底則召買之政可
復也若或一時收買不敷寧照時值官給俾人
自買自用視之陸運待命西江之水者相去逕

庭矣一議關餉陸運前奴陷北平關寧餉運道
路梗塞萬不得已舍陸繇海數月以來海若効
順安瀾無虞而今賊已遠遁道路大通自應改
從陸運爲便惟是三輔殘破之後四野瀟條極
目荒烟輪輓奔走之勞匪但小民不能支卽有
司亦不能應也往時轉運沿途起車州縣護送
今豐玉永平地地方恐驟車不可復得矣勢必
都門雇覓騾馱運關交卸酌道里之遠近定畫一
之規則所用腳價卽於正餉銀內開銷然虜雖

絕迹而逃兵土寇乘機聚嘯實頗有徒合合
內關外各選領餉委官三班每班各帶精悍家
丁十人責令往來防禦每月一輪週而復始其
日食行糧臣部量給月糧仍於本營支領通俟
流民安堵邊堡修葺而後漸復驛遞之舊庶於
軍餉民隱稱兩便耳一議更輜重管臣部前爲
兵馬徵調東西易向轉輸隨兵更覺艱難議立
輜重一營以爲不時之需近據餉司報輜重管
新兵已近千人原擬資其秣飼驢畜推挽車輛

而以管制未備轉運尚屬雇覓此千人者月糜
公帑殊可惜也近日科臣張鵬雲巡薊而歸稱輜
重營多係遊手好閒之人不肯負苦推車弗如
雇覓車驢現運人情見利而趨猶可不至厚費
其言亦自有見蓋輜重營之設原以濟一時之
窮今賊既出境轉運可通且頭畜車輛收買未
備待其有弊而後更之何若爲未然之防乎就
現在千人中細加遴選拔精悍者給與衣甲器
械隨新兵營一體團練不堪用者蚤令歸農如

買驢頭車輛銀兩有未買者將銀繳還庫仍
作月餉之用庶遊棍菜傭不得乘機冒破亦清
查之一着也一議分別主客從來兵馬征調出
此鎮而入彼鎮號爲客兵方給行糧鹽菜而本
鎮則否所以明體卹而示限制也近自虜倣以
來時艱地險兵凶戰危督撫鎮道不厭鼓舞於
是有以本鎮之兵而亦支行糧鹽菜者今虜已
出境漸已解甲卧戈非復朝不謀夕之景象矣
似當分別孰爲主兵孰爲客兵主客則按日給

與主餉客兵則照例兼支客餉截然各有限制
不相踰越即如關寧之兵一返關門便成故土
悉復當年

舊制毋得兩地支領卽在密昌通津城守諸兵亦宜
一體解嚴蚤爲裁節銷算庶幾不至大爲耗費
耳不者

國家有限之財其何以廢人情無涯之欲也逮其
空匱而後圖之則何及矣一議督催外解奴賊
雖退鷲伏可虞整頓殘疆經營伊始况兩粵川

貴甘肅之援兵甫至而機兵益衆通昌薊永之
募兵方新而募兵尤賴關寧月餉尚壓欠五六
十萬兩庫外解隨到隨發隨發隨盡欲求著著
應手真是凜凜寒心倘各該有司狃於捷音聞
奴賊之出境視徵輸爲緩局外解之入不繼本
折之餉何資一旦庚癸頻呼脫巾立見禍有不
可言者矣仰乞

明旨申飭撫按司府及催餉諸臣務期源源而來
令多多益善無論見徵帶徵正項雜項務要

體全完絡繹繼至以爲目前補葺秋冬防範之
計臣部前催本年新餉五分之說原就正月而
言若在今日及從茲以往則斷不可執爲定額
者也

功令具在臣部惟有執三尺以議其後已耳以上
諸款雖卑之無甚高論然皆目前之要著務農
力穡則閭閻之凋瘵可蘇水陸並運則貔貅之
供億無缺關寧運道已通亟須令海而就陸輜
重營伍未就便合相機而中止召買與給折並

行以濟飛輓之窮主兵與客師異制以杜濫餉
之漸而尤嚴催外解弘濟時艱厚儲軍餉培固
根本庶莫巖疆於覆盂而救民生於塗炭矣伏
祈

勅下臣部通行各該衙門一體遵奉施行

崇禎三年五月二十四日具

題本月二十六日奉

聖旨這奏內招撫勸課地方官加意料理轉運召買
等項還與該督撫諮商妥確逐一飭行務使餉項

給兵兵無糜餉外解嚴加催督有踰期延玩的聽
該部指名奏處該衙門知道欽此

題大同并延慶平三府新餉允抵年例疏

題爲臣部之年例遠餉原有定額督撫之請蠲請
緩屢屢

聖懷謹用允抵一法以甦災民事項該大同撫臣張
宗樞題爲雲民輶輶欲盡加派萬萬難徵等事
內稱先該臣部覆疏議將撫臣所請該鎮加派
等項稍寬時日春稅緩至麥後秋稅緩至歲杪
俾令

國課民生兩不相妨業已奉有

命旨乃該撫爲民請命不憚補贖三懇

聖慈仍將該鎮加派銀九千四百八兩零抽扣銀三

千八百七兩零優免銀八百一十六兩零速准

蠲免糜子遺不至俱盡而衝塞可幸無虞等因奉

聖旨雲鎮加派等項已議緩徵示恤不得屢請全蠲

還着遵前旨行該部知道欽此又該陝西撫臣劉

廣生題爲秦民慘苦已極謹瀝血控陳仰乞

天恩鑒察等事內稱延慶平三府瘠疲太甚相同而

延慶被賊殘破更慘乞將遼餉帶徵緩至秋撥

見徵量減分數以俟明年照舊復徵足額及
站銀兩容其酌議上

請等因奉

聖旨秦地兵荒相繼官民交困這所奏緩催徵寬派
站二項着與酌覆劉廣生職司巡撫還宜勤恤民
隱以圖公私交濟該部知道欽此除派站一項該
兵部議覆外卷查先該臣部覆督臣楊鶴遵

旨回鎮再陳三邊危苦之情等事一疏臣部議將延
慶平三府遠餉銀六萬七千餘兩寬限緩徵俟

秋成後陸贄完解等因奉

聖旨延慶平三府額餉姑着緩徵寬限餘府務異日
旨完解不得稽遲該衙門知道欽此欽遵已經通
行在案該臣等看得秦之延慶平與緡之雲中
皆所稱邊徼瘠土也比歲雲中遭插虜而秦地
患流寇重以旱寇爲虐年穀弗登蓋同苦兵荒
云其加派等項或報罷或暫停不獨該督撫及
臣部共爲扼腕實我

皇上所時刻軫念而

天恩固未嘗靳特卹也惟是東事方殷計戎作所費
不貲卽西顧乃眷而額賦詎容虧損臣部城爲
之徐徐亦迫於無可奈何耳乃秦撫劉廣生繼
督臣楊鶴後爲三郡請一日之命真不啻秦廷
之哭而雲撫張宗衡抗疏叩

閭且三致意焉仰荷

聖明榮典寬恩俯從臣部末議幸俱准緩徵矣臣等
又何敢再贅抑臣竊思之緩之固紓於目前而
徵之仍須於日後在督撫方侈口而譚撫字在

臣部且刻日以供軍興若目前不爲畫一之圖
將日後難免紛擾之請臣懼乃滋深矣臣查雲
鎮及延慶平固有解臣部之遼餉而臣部亦有
發雲鎮及三邊之年例也又兼軍興以來新餉
用過舊餉如許正在擬議查抵合無即以雲屬
之十一州縣應解加派等銀一萬三千餘兩即
抵大同之年例以延慶平三府加派遼餉銀六
萬七千餘兩內抵延綏年例三萬七千兩寧夏
固原年例各一萬五千兩臣部即於應發該鎮

年例內照數扣除而聽督撫酌量緩急設法徵解該鎮應用即作臣部新餉扣抵舊餉之數此一舉也可免催餉京卿之守候可寬夏稅秋糧之常期暫留脂膏以潤閭閻終作舍哺以供巖塞臣部雖急軍實不至厲民督撫即軫民艱不廢軍精似亦兩便之策也且臣非敢爲賦狙之術也查往日臣部所發年例不過十之六七該督撫亦自撐持無虞臣部近歲竭蹶務期完發及額計前項所停緩未及十分之一即稍愆於

期會抑復何妨於以隨機應變劑量融通庶
賦不大至紛更而邊地亦迄可少康也似與督
撫諸臣之請乞者適相成無相拂而

明旨所謂公私交濟者或可仰體於萬一矣伏候
聖明裁擇施行

崇禎三年六月初一日具 題本月初四日奉
聖旨這大同并延慶平三應新餉前議緩徵今允抵
年例舊餉中外通融亦稱兩便着咨會各該督撫
依議行欽此

請罪自陳疏

奏爲微臣奉職無狀虜倣負罪良深懇乞

天恩俯賜譴責以申

國憲事臣聞之

主憂臣辱四郊多壘卿大夫之耻也非獨分無所逃
抑法實不容貸耳頃者一孽匪茹跳梁累月幸
賴我

皇上神聖赫聲濯心天威撻伐迄以廓清實惟恃我
皇上如天之福真所謂制勝於

廟堂之上者耳。惟是原本始末在戶言戶。期心內於
微臣之罪。更有無地可少道者。臣實司計不能

裕

國使士飽馬騰。預道於塞上。洵臣之罪。及乎蹂
躪近地。以勤我各鎮師旅。又不能峙糗備糗。惟
牛犒饗。作投石超距之氣。虜城下。奏片甲
不返之捷。洵臣之罪。左藏瓶罄。臣曾不能催債
外運。源源日積。俾冬春之轉輸。幾乎中斷。致屢
聖慮焦勞。洵臣之罪。漕艘鱗集。臣又不能預救凍糧。

先爲清野之防卽勉強拮据借手羣工幸無墮
越而猶有被火之般見泚之粒洵臣之罪海寓
困窮臣又不能與天下以休息而使催差四出
剋蓋相望卽輸輓少集而民力竭矣洵臣之罪
至若新漕尚苦底滯未見更紘鹽屯尚同築舍
未收實効于垣之役正慮經費不前舖敦之師
徒令勞人借口凡此種種皆臣之罪臣真擢髮
不能以悉數而膏斧固有餘辜者也且也各部
諸臣有事半而更者有受事方新者微臣獨以

黔驢既窮之技終始戎作時愈久而罪愈衆
各部諸臣有以罪而蒙斥者有以罪而蒙譴者
微臣獨以樗朽多戾之身屢荷

優容恩愈隆而罪愈不可逃矣臣實有不可逃之罪
而

國又有不容貸之法臣一日竊祿位若寇至之承
其羞也一日偷視息若鬼責之伺其旁也其何
敢以負乘微臣而久稽

憲典取伏乞我

皇上置臣於法以爲司計不效者之戒庶玩愒之人
心悚息於震疊而

中興之景運炳煥於新猷矣○卽躬受譴責無異於
戴惟蓋矣臣可任庸某待

命之至

崇禎三年六月十二日具

奏本月十四日奉

旨○驛傳○軍精勞午卿多方轉運具見勤勞目
今邊備孔殷分防練募正轉輸四應之時宜益加

籌畫俾飽騰奏瀕毋乏軍興不必引講該部知道

欽此

新印鑄成恭繳舊印疏

題爲新印鑄成蒙

恩頒賜謹恭

繳舊印以杜弊源事先是臣等于崇禎二年九月初一日題爲錢穀關係重大堂印歲久模糊謹

遵例祈

請鑄換以清弊杜好事等因奉

聖旨禮部知道欽此續准禮部照本部原印篆文鑄完於崇禎三年六月初五日賫送本部例應將

舊印

奏繳該臣等看得

國家設官而畀之印所以昭信防奸也臣部典司
錢穀總領會計文移視它曹最多關防視它曹
量重臣等不敢聽印文之若滅若沒模糊失真
乞

恩改鑄茲幸禮部會同

內府鑄完頒布前來竊覩新印篆文剴爽邊隅方
正可徵信於荒陬之遠可示辨於毫芒之微從

此昭示遠邇凡關係錢穀者靡不共秉於新印
之輝煌卽有神棍奸習亦不得藉水滴繩鋸之
殘形以肆其鬼沒神出之伎倆矣肅耳目而定
心志在此舉也惟是昭信利在弊新防奸須宜
革故新印旣完舊印應繳遵例具疏固封恭

進伏乞

皇上勅令該衙門查收或謹爲收贖或亟行銷毀庶
幾部印歸一法令嚴然天下暗徵符傳信之意
象寓內絕傷兼廣制之奸回其于五典九賦之

規制關係匪淺鮮矣

崇禎三年六月十六日具

題本另十九日奉

旨旨登欵此

覆南臺袁御史指欵太急疏

題爲據外亟宜安內措欵不可太急事准兵部咨
該兵科抄出南京廣西道監察御史袁燿然題
前事奉

聖旨預徵民力維難還着該部詳酌具奏欵議屢旨
嚴絕已伐狡謀袁燿然不得過揣該部知道欵此
欵遵抄出到部移咨到臣仰惟

廟謨算勝

皇靈赫濯捷伐日奏三捷絕欵奉有

屢旨事係兵部職掌臣等無容覆議外該臣等看
預徵一節是海內所共爲患苦卽在平安豐稔
之時未嘗忍言重以比年水旱爲災扞軸告
洵有如

切旨所謂民力維艱者臣等職在司版方隕越於
澤返裘之慮伏讀臺臣疏深亮其有同心而臣
等固蚤已入

也案查崇禎三年五月初一日該臣部題爲催
幸有次第額徵宜遵畫一懇乞

有司不得借口槩徵重困窮民以溥

皇仁以急正供事內稱臣部所條列應催者元二兩
年之額解及三年現徵之五分也夫兩年之額
解承平亦亟考成倥偬詎容緩視此固歲事所
應辦者現年之五分舊餉較往日似駭爲創始
新餉較往日止多徵二分且時已麥秋卽半完
常賦亦非厲民况虜患剝膚其誰無同仇之誼
忍靳此維正之供也是臣部所條列應催者實
於崇禎三年內求完京邊之一半非強索於現

年之外也查新餉止有江西一省壓徵其餘皆
係現徵舊餉壓徵地方較之現徵地方稍多然
臣前疏有那移措解一語正謂壓徵之難法當
於現年中通融之也蓋現年中不無存留可緩
之錢糧稍一通融那借便可爲預解之地卽如
河南山東歷徵州縣崇禎三年應辦二年錢糧
然按籍而稽則京邊不過十分中之三耳卽以
京邊五分而論不過十分中之一分有半耳其
它王糧驛遞河工倉糧廩俸工食等項尚有下

分之七也若於七分之中那借一分有半以應
壓徵之京邊不過一轉移間而

國與民兩受其利實目前通變之徵權也卽曰錢
糧各有款項那借事或難行則通計一歲大糧
止徵一分有半而五分之京邊完矣若因預徵
京邊之五分而遂全徵大糧之五分則京邊固
解之

京師矣其它王糧驛遞河工倉糧廩俸工食等項
皆將置於何地亦復一年而用二年乎借不得

不預徵之勢浸假而并徵可緩之錢糧徒以爲
糶剝百姓之脂膏而以羨耗潤巧吏之囊橐是
臣部所鄭重而慎於一請者郡邑且藉口而恣
行無忌也伏乞

勅下各該撫按及奉差官員申諭州縣遵照原疏開
去款額元二兩年刻期完解不得短少一分三
年現徵地方春夏先完京邊五分秋冬全完不
得飾詞推諉諱現徵爲壓徵其壓徵地方今歲
止追五分之數若能通融那解者上也不則卽

行預徵五分亦適如其京邊之數而止不得稍
口一槩混徵明年大糧卽經解邊糧及兵工部
錢糧亦不在預徵之內其預徵京邊五分仍俱
寬至秋成於八月後報完果有新餉壓徵者亦
如之若至明年秋月亦俾如今年五分之例而
止不惟非全徵大糧之十分亦併非全徵京邊
之十分於以定驚疑之衆志而蘇民困於萬一
如故違者許該撫按及奉差官員不時叅奏庶
官方慎而民力存勞實塞而正額裕矣等因奉

聖旨這奏元二年欠糧都要依限全完三年見徵
務完十分以春秋爲二限壓徵的預完五分如京
邊之數亦以八月爲期依議飭行如有混徵催迫
忝來重處欽此隨該臣部通行去後是催差之類
未臣部原未敢侈口預徵而尤恐壓徵地方驚
言悉索以歸咎叢怨於臣部已幸於前疏內詳
哉言之復奉有

明綸矣意臺臣條上之日尚未及見臣疏計此時須
布已到一切應徵之分數無遠邇弗悉矣量徵

京邊之五分以充然眉之急需原非槩徵大糧
之五分以重閭閻之困苦似亦無容臣部再爲
覆酌惟願南北風憲諸臣訪有省直州縣輸解
不知調停催徵不遵約束一槩預徵病民者卽
行指名叅奏庶

朝廷之德意卽寓於催科且亦曉然臣部原未敢急
國賦而忘民恤也臣可任悚息兢惕之至

崇禎三年六月二十一日具

題本月二十四日奉

聖旨這崇禎三年新舊餉銀只就京邊一項春夏
解五分除見徵外縱有壓徵的或那借或量徵數
原不多又且展限至秋原非苛求悉索該部還根
諭遵前旨行如有司藉口急賦一槩預徵病民者
差去官員同各該撫按體訪叅奏該衙門知道
此

四懇罷斥疏

奏爲臣病貼危已甚、臣職曠廢堪憂、四懇

天恩、亟賜罷斥、以無悞軍

國、大計事竊念臣至駑駘景逼桑榆、才甚劣、年甚
衰、而病又甚深、自惟通籍以來、迄今三十九年、
承乏中外、歷任邊疆、牛馬奔馳、久未息肩、日積
月累、百衰盡見、飲食日減、脾胃不調、時苦健忘、
兼多眩暈、每至夏秋、輒復增劇、客歲七疏、休致

未荷

皇上俯允嗣是勤事盡心臣實承乏計務忍死盡心
委無一事一刻敢自暇逸入春以來餉務繁重
病體支離臣復三疏投劾並請罷斥復荷

明旨勉留責成諭以殫力幹濟臣雖庸愚困憊而血
氣心知尚未漸安敢不力疾供職勉圖策
勵承驕一日未退靡敢再言乞骸以自附於臣
辱臣死之誼今幸

天威遐播予爾醜亦既曳真宵遁矣臣是以有餘
臣奉職無狀身微負罪長此一疏六月十四日

奉

聖旨奴孽匪茹軍糈旁午卿多方轉運具見勤勞目
今邊備孔殷分防練募正轉輸四應之時宜益加
籌畫俾飽騰奏績毋乏軍興不必引請該部知道
欽此欽遵隨該吏部移咨到臣夫以臣之轉餉
無策軍興莫我

皇上乃輒許以多方獎以勤勞又復責以四應望以
騰飽知我

皇上寸長必錄而期望甚殷也惟是古稱陳力就列

不能者止從來久矣欲治兵者必先有飽滿
實之餉而後可足兵欲籌餉者必先得精明強

固之人而後可足餉而臣愚何如哉臣以衰病

之殘軀值茲軍旅之雲集黔枝已窮杞憂未歇

愁苦相煎時日淹久怔忡交作痰涎壅盛頃刻

輒有遺忘几席旋生掛漏則智慮所不及政務

所曠廢者多矣且也臣部日進章疏日行文卷

雖各有司存而非經臣之心到目到手到何敢

拜發不謂精血久耗雙目赤腫畏日羞明流淚

如注則文移之簡閱爲難右臂酸麻晝夜痛楚
每捉三寸之管如發千斤之弩則案牘之批發
爲難足膝軟弱步趨不前陞降階級須人扶掖
則

朝參之奔馳爲難其它龍鍾潦倒奄奄待盡之狀
不可殫述舉

朝臣工更無衰病如臣比者司農何官今茲何特
而以龍鍾潦倒之人竊據其間誠拊心知懼亦
顧影自慙矣矧新舊額餉有限而軍興浩費弘

多京卿漸次還

朝而外解愈覺稀濶、授其供動歸思而行月任、
要挾當此之時、卽令敏手亦費持籌而况巨之
謫庸衰病者哉、臣一身不足惜、而所誤

國事者多矣、目今逆奴漸心在邊疆爲劫數之終
武維揚在

國運爲治平之始、政及時整頓之機會、而理財固
本又第一要務、先是虜倣未退、猶得托於鞞
盡瘁之義、繼是疆圉載寧、將不免有曠官竊

之羞在

聖明卽曲爲優容在清議必倍爲誦議是臣之所冀
知甚明望

恩甚切者也臣今雖以祈禱齋居公署然而時親藥
裹十九牀褥衰病已極時刻難支是用哀願

聖明四申前請仰望

皇上自爲軍

國大事計蚤

賜罷斥別選才賢於以克軍實而資捷伐臣仰戴

鴻慈如天罔極矣

崇禎三年七月初二日具

題本月初五日奉

聖旨卿清慎敏練已屢旨眷留且邊防孔棘轉餉維艱殫力運籌正資石畫何得引疾頻請着卽安心視事不允辭部知道欽此

酌發雲鎮募造銀兩疏

題爲酌議雲鎮募造銀兩仰乞

聖裁事先該巡撫大同都察院右僉都御史張宗衡
題爲精銳積蓄俱空造募糴收無措乞

勅該部發銀十萬兩以廣招集以厚儲精以營器具
事奉

聖旨張宗衡所請募造銀兩着該部酌議具覆欽此
欽遵隨該臣部題爲軍餉撫賞並急安家補給
難繼等事內議得招募等項所需十萬金臣等

再四思惟。臣等爲同舟之助。委難爲無米之計。或俟東事少平。再行措處。或令臣與兵工工部酌量分認補濟。一二不則。綿力實不能辦。非徒推却而坐失勝筭等因奉

聖旨。雲鎮缺兵額餉。有無剩扣。作何支銷。著張宗勳明白奏來。所請募造銀兩。還着該部酌給。不得滋誘。欽此。欽遵。除缺額有無剩扣。聽該撫具覆外。該臣等看得。雲鎮募造一節。撫臣直以十萬銀兩爲固圍犁庭之計。抑何所費者約。而所贖安。

者遠且大也臣等既壯其猷而思其襄其盛振
腕於時絀之不能舉靡業於前既悉備陳之仰
塵

天聽矣茲伏奉有酬給不得滋謫之

旨臣等竊奉之不敢不勉副且臣前疏寔云俟東事
少平再爲措處頃仰仗我

皇上天威奴孽允息取章底定華夷截然移其緒餘
以繕雲中似亦易辦頗無奈經費益繁而浩用
轉覺不貲也酬庸之典歌彤弓以旌懋賞奮錫

工費且至數十鉅萬月餉有加無已而舖教之
旅棹伐之需又未可逆計焉此孰非責辦於臣
部而一一厯

聖慮者較之軍興之始似倍艱矣臣等思維累日在
藏肅然委難措屢請容臣部於輕資漕折銀內
姑那湊二萬兩先給雲撫以爲募造之資此外
則於該鎮本年客兵年例銀內再扣解三萬兩
徑發雲撫與前銀一體支用該撫所請召募原
額似亦不妨以爲節縮不則姑俟次第料理待

臣部明春寬裕不妨酌議續發者也總之以

皇上之金錢綢繆

皇上之封疆臣等有相成而無相諉惟是左支右吾之際入者有限而出者無窮臣部實出於不得已而矜肘俱露耳伏惟

聖明俯賜裁鑒施行

崇禎三年七月初三日具

題本月初七日奉

聖旨據奏雲鎮募造銀先發五萬兩知道了內輕齊

清折尚未通核且將別項那用該部事例雜
來收解若干還查覈奏報欽此

永鎮餉務有屬差官宜省疏

題爲永鎮餉務有屬臣部差官宜省謹酌議具
奏以一事權以濟時艱事先是崇禎二年三月十
九日准吏部咨該永平兵道張春泰爲徵臣遵
命星馳抵郊進退無地可處等事奉

聖旨張春着卽陞見所請註劄地方及推補餉司等
事該部卽與議覆欽此欽遵到部內將推補餉司
一節移咨臣部送司案呈到部該臣等看得永
平雖爲醜虜所據而燕建山石四路兵士仍在

待哺餉司何可缺人第前准山海關部及前
總督咨稱燕建山右四路糧餉告急永平未復
一舉仰給關門乞將應發永平糧餉就近改併
山海以便支給本部業屢經解發則是四路糧
餉有所歸矣今該道駐劄樂亭距餉司舊管地
方隔絕陷沒僅僅標下應援之糧芻似不必尙
設餉司而後能辦此也又據該道有稟謂樂且
請命樞部止一糧廳可耳想以司道並設曩
一城額額未便不若姑設糧廳可得臂指之用

然則餉司之設固當徐議推陞庶勇府佐令聽
貴部爲政耳移咨過吏部間節准吏部復咨該
永平府同知李雲衢奏爲餉務方殷羽權易販
等事奉

聖旨着該部酌議具奏欽此欽遵到部看得永平同
知李雲衢具奏一節奉有該部酌議之

旨今本官所司止永平一道兵餉而軍中召買又在
各府州縣今日事勢若以府佐管理實難展布
或酌議量加部銜以資彈壓相應咨行酌議妥

確等情復到臣部該臣等又看得永鎮燕建
石四路糧餉向因虜倭業已改支關門且前
府城未復故前咨徐議餉司而端設糧廳以司
出納今准貴部咨會前因又近報永平業已
復則兵餉益煩事任益重餉司自不可少之
矣如同知李雲衢者從來才望資俸應否卽
餉司之位貴部自有鑒裁非本部之所敢越
而議也等因咨回吏部續于六月二十二日
准吏部咨稱同知李雲衢長才潔望敷歷練

改補永平誠爲勝任第以乙榜郡戎未便號召
數城守令旣奉

旨下部酌議合將李雲衢加戶部員外郎職銜令其
拮据理餉俟經理有成方與實授至餉司之當
復與否自有戶部職掌非臣部所敢擅也業經
具題奉

旨咨行臣部該臣等看得永鎮之設有餉司也所以
總燕建山石之糗芻而俾其飛輓有資飽騰依
賴也故必本部具題請給

勅印亦謂事任專則彈壓重耳向以永平失守四路
阻絕初準於閣部總督咨文之改支再準於該
道稟討之府佐則永鎮餉司似見爲不必設迨
後李雲衢以同知改補懼事權不尊難於展布
又具疏陳

請奉

旨酌議尋加以員外郎職銜矣量才以授官復藉官
以集事道臣提銜於上餉廳兼行於下呼卽應
而叩卽靈不啻臂之使指誠有如該道所言者

卽今逆奴宵遁永鎮恢復餉務繁劇益費擘畫
而旣加部銜之餉屬於以資號召而佐彈壓臣
知其優爲之矣倘再設一餉司無論一柄兩持
十羊九牧及滋廢闕且府佐旣加部銜體統已
同司屬而再以餉司臨之兩司又何以相馭也
況兵餉煩興卽錙銖金錢亦當珍惜而多一餉
司卽多一官役之耗費則莫若省之便惟是餉

可

勅印原以待題差今李雲衢歷任未久雖加部銜所

管仍同知事則

勅印似難請給合無俟該屬殫精綜理一年之後勅
有成績卽以正餉司之位而後題給

勅印可也如是則糗芻之責任既有耑屬衙門之統
馭又無旁掣省公餼而濟時艱於以佐撻伐易
易矣臣部未敢擅便擬合請

旨定奪施行臣等無任悚息隕越之至

崇禎三年七月初七日具 題本月初十日奉

聖旨依擬欽此

題遵奉 聖諭議修鹽政疏

題爲遵奉

明諭議脩鹽政懇乞

聖明嚴勅當事諸臣毅然力行以振積弛以期成效
事案查崇禎三年四月二十六日該臣等接

出

聖諭屯鹽二事屢經條陳屢奉嚴旨通未見效總因
事無專責人皆推諉且或舉行無法窒礙難施是
以申飭徒動過眼便成陳迹已有旨着該部科諮

求心計考究確數如何所奏猶然隱漫不甚明切
還着通將從前條議各疏及頒過明旨摘陳要款
區畫便方要見何官可以專管何時可以考成何
地與何法相宜何計與何項相合須劃然明白使
知如何則行如何則不行如何是效如何是不效
不必務拔張而鮮實益不得憚更始而避解絃務
得真實着數至確至妥以便永遠通遵自今彙集
羣策酌定良規朕卽據以殿最各官且於爾部科
責諾課效一應紛紜條奏都無所用該部卽詳確

總議來看欽此欽遵謹將

聖諭刊刻書冊分送各衙門諮求心計一面簡閱前
後章奏除屯田另行條奏外案查先該本部題
覆江西道監察御史饒京題爲借一日之震惕
開萬禩之靈長等事崇禎三年三月十五日奉
聖旨採銅廣鑄用佐軍興爾部旣已商確依議行還
着各撫按嚴飭經管官立法慎防務使利出于地
害不及民亦不許影借吃取銀礦致生他端屯鹽
二項著條使宜具奏欽此又該江西道監察御史

饒京題爲再伸錢鹽之說等事本年三月
六日奉

聖旨鑄山煮海原係從古是國上策這錢法鹽政則
着饒京同該部科併集羣議條列規則來看務令
利歸公家永絕私竈方爲長便該部知道欽此又
該本部山東司主事王珍錫奏爲兩淮鹽筭宜
清等事本年五月初一日奉

聖旨鹽法方有旨核定這所奏利弊明悉卽與一併
議覆折價挑河等銀旣在庫可借便着行查解進

用佐軍需該部知道欽此又該本部主事王珍錫
奏爲兩淮鹽政利弊多端等事本年五月十一
日奉

聖旨這條陳鹽法具悉利弊該部酌議履行欽此又
該兵部職方司郎中周夢尹題爲中鹽復屯等
事本年五月十四日奉

聖旨屯鹽覆議經年未見着實奉行已有諭令專責
成這本說任在得人良是賦役一書務按已徵未
解及私派私徵力屢催不應顯是有司沿習欺隱

故意延推着各撫按遵旨嚴督藩司將前等項備
細開明速送纂修并着京差催餉各官帶催回奏
該部知道欽此又該禮部左侍郎徐光啓奏爲恭
承

明命等事本年五月二十一日奉

聖旨力作懇荒禁私疏壅最得屯鹽要領部科正刑
集議這所奏着一并叅酌務期必行還詳加條畫
來看該部知道欽此又該候選縣丞傅懋禮奏爲
直陳兩淮鹽利等事本年五月二十一日奉

聖旨這疏指陳鹽政利弊有可採行的該部覆議具
奏欽此又該兩淮舊巡鹽御史張養奏爲仰遵

聖諭等事本年六月十六日奉

聖旨前有諭諮議屯鹽如何尚無確奏這所陳鹽法
各款洞悉利弊着速叅酌并覆該部知道欽此又
該禮部左侍郎徐光啓奏爲欽奉

明旨條畫管見等事本年六月十七日奉

聖旨這疏條畫屯鹽如開荒用水除蝗禁私曬鹽各
項俱源委詳明鑿鑿有據着遵前旨一併議覆該

部知道欽此又該兩浙巡鹽御史吳之仁題爲遵
旨設處堪動錢糧等事本年六月二十四日奉

聖旨這助餉課銀着到日照數查收前有旨議疏鹽
法大抵私販絕公引行商自願增豈須強迫據奏
長興一縣尚增引至五千六百道其他可知着該
部移各該巡鹽御史及帶管鹽法的通行酌計具
奏欽此欽遵通抄到部并據科臣祝世美臺臣錢
上貴史堃袁弘勳楊方盛龔守忠等皆有議單
投送前來該臣等會同戶科都給事中玄默

等看得諸臣之言鹽法或畧或詳相參相伍總
在興利除弊二者而已粵稽

國朝鹽筴爲利最廣兩淮居天下之半兩浙次之南
極閩粵北盡齊蘆西抵秦晉滇爾井池撈辦較
之往代號爲最盛洪武間每引納銀八分永樂
間每引輸粟二斗五升又以十分爲率以七分
爲常行之鹽名曰常股以三分存畱於場每遇
邊糧缺乏而後開中名曰存積今則不論常股
存積盡行開中矣此開中之制也國初每引止

行正鹽二百五十斤餘鹽不許發賣是以愈無
課解京及後餘鹽積多私販難禦遂許於正
內帶行餘鹽徵課解京以充邊餉其運司課
可更僕數納糧中引者謂之邊商納課支鹽者
謂之內商接買而售之民間者謂之水商閱歷
世以相傳蒙

列聖之因革此行鹽之制也開中於邊鎮者通其
價五十五萬三千餘兩皆照例輸粟以充邊
之腹徵收於運司者在太倉則歲入一百七

九千七百五十六兩零徑解各鎮以充年例并
宗祿者則共計二十七萬三千一百餘兩留於
各省以充兵餉者則共計八萬二千五百六十
餘兩其遺餉之三十二萬則又天啓年間新增
之課矣此引額之制也惟是戶口日增而鹽利
未廣軍興告急而財用不敷論者無不於鹽筴
置意焉詳查諸臣條陳雖言人人殊而斟酌因
革其中概多石畫可採其要惟在於保舊額而

增新輸

皇上明諭云如何則行如何則不行其於鹽政初
真洞若觀火矣夫治鹽猶治水也因其勢而利
導之則無壅滯之病若或束縛大峻誅求太深
則併歲額成課而不能保安論增額哉每聞各
運司鹽商一遇變法則遲迴數月必俟論定而
後納課昔年兩淮浮課亂正商苦套搭以致邊
糧鹽課兩年不納可爲殷鑒邇年以來兩淮自
黃山獄起運庫搜括致成極敝極壞之勢在邊
商則因庫價不給資本久壓而困在內商則因

浮課橫行正鹽壅關而困裕

國者必自恤商始則凡給庫價以恤邊商復倉鹽以恤內商清草蕩以恤灶丁革浮課定割汲清夾帶定掣期禁私販以防正引之壅設專官議久任以重理財之人皆鹽法之大窾會而今亟宜舉行者也首議增課四款則因地以行法因法而阜財或通其變而不憚更新或仍其舊而祇求實際總之叅合諸臣之條議而附以臣等之管見期於同舟共濟云爾惟是議法非難行

法意見精此復同策合更願司能諸臣
起一段精神舉力擔承不旁撓於浮議不陰
於豪強凜持三尺期在必行於以官天府地
食強兵猶運之掌也謹條列爲十二款恭進
御覽伏候

仰下臣部行文各該衙門遵奉施行因議鹽法辭涉
冗長臣等曷勝悚息待

命之至

崇禎三年七月初八日具

題本月十二日奉

聖旨鹽課軍國大計清理須有實着這疏內各款集
議既定急宜擇人分任設法考成務期立事奏功
不得紛更滋擾專東改司還行該省叅酌長便巡
鹽鹽道坐差添官并王珍錫等速齊都院如議酌
覆該衙門知道欽此

計開

一兩淮續查積引宜改新引自袁世振創立
減斤增引法淮南增出引窩二十二萬淮
北增出引窩七萬蓋因各商積引納過餘
課用此銷行以免套搭昨歲淮南綱法已
盡鹽臣張養凝以調和贊化育美鼎裕鹽
梅十字重編新綱以續查積引七十五萬
九千一百四十五引配行於調和贊三綱
內每年徵餘沒等銀二十萬九千兩以濟

人對...
遼餉至化字綱積引已完議改新引開

此崇禎三年正月內覆奉

欽依卽今鹽臣疏內所云師存積以應急需者也臺
臣饒京主事王珍錫俱執世振原議謂淮
南積引應至丁卯年而盡不宜復有積引
俱欲另開新引臣等查得世振所行積引
係納過餘課之引鹽臣議行積引係未納
餘課之引其名雖同致則各殊今採諸臣
議稍爲變通則引課可增合將積引綱窩

二十二萬盡改新引卽令原定各商在於
運司上納引價解以充餉可得引價餘沒
三十餘萬其原查積引臣部亦不敢吹毛
索瘢姑與銷行之路查淮安揚州二府及
溧陽靈璧虹縣食鹽向用積引六萬餘引
合將原查積引七十五萬九千一百四十
五引派於前項食鹽內聽按年銷賣每年
亦可徵餘沒銀五萬餘兩但食鹽包大利
厚而淮上積引聞多廉價所收就中稍加

分別以十分爲率天啓元年以前者無論
真贋盡行銃毀天啓七年以前者年月已
久兩引并作一引崇禎元年以後者年月
稍近准其照常銷賣疏壅釐弊計無善於
此者若淮北十四綱今年已盡亦當一併
行查酌議至於挑河銀兩用濟鹽河恐難
借動昨接鹽臣鄧啓隆揭纏纏言之備極
懇切所當免其解京者也伏候

一兩浙疏通引課宜重考成夫兩浙地方素稱殷富兩浙鹽引素稱極壅頃據鹽臣吳之仁揭謂額引壅至一百五六十萬似此壅積則邊商見年之引必須數年而後行用彼窮商資本幾何堪此守候不得不減價賣與國戶引價既減不得不將鹽糧告減是鹽引之壅不惟病商且以病

國也揆厥所繇總因私販充斥彼行此壅理勢然耳臺臣饒京謂三吳皆食浙鹽而富安餘

東等場走狼山福山崇明等處沿海一帶
皆鹽徒囤戶盤踞又有票鹽營幹之害今
大中二票業已裁革而代之以引矣其私
販一節自

聖諭煥頒後聞亦稍戢三年正月內已據鹽臣吳之
仁題議在廣信府則加引一萬六千引徽
州府則加一萬四千引共增課銀八千兩
頃又疏稱長興縣引不足用議將額引加
行五千六百道歲增課銀一千六百兩此

豈非禁私販之明驗哉使果處處如此何
憂額引之不盡銷但恐州縣之不盡然也
查各省直州縣銷引歲終原有考成一法
罰俸降革例與田賦等乃兩浙考成每舉
罰數年以前之引彼歲月既久官皆陞調
且其中將新補舊以未完而作已完者難
保必無彼縣官復何所顧忌而肯大破情
面畱神私販而勤比捕役哉合令該省巡
鹽御史卽將崇禎元二年各州縣應銷鹽

引盡行考成或完或欠務須覈實或降或革無少寬假以後本年之引務於次年三月查叅則官皆見任誰不勉勵將見私販盡絕而引課日增斷不止於廣信七縣徽州三縣長興一縣所當嚴加責成并通行省直申飭者也伏候

聖裁

一齊浙行用票鹽宜加額課查得濟青登萊四府地屆東南民居瀕海不行商引止行

票鹽所從來久矣先年灶丁一票納銀一錢五分又收牙稅一分照鹽五百斤編定地里登費糧又有上丁二錢中丁一錢下丁五分之別又有每票六百斤除正課外另銀一錢之別又有濟青價高一錢五分登萊價賤七分之別今不知票額果有若干正課牙稅各得幾何各州縣果能按季收票按票收銀則善矣若猶未也能保無掛漏乎且鹽票每季一更而入場販鬻不

止數次甚有踰季不繳朦朧私用者則一
錢五分之課似猶存乎見少也科臣許世
蓋劉漢儒臺臣喻思恂議單謂引價既不
可強加量於票價內酌增竊計多則一錢
少亦五分蓋吏習民安旣難輕變以駭蚩
蚩之耳目而酌額增課亦足以得贏美而
補正引之所不及極是良規原非厲民其
一切額票及該增課幾許合行長蘆鹽臣
再一酌議題覆頒行雖難革票而行引亦

宜加價以助引所當定額查報以便追解者也至于兩浙鹽票前據鹽臣吳之仁議割舊引代銷臣以票雖更引課無增加欲其另行新引爲增課計今據鹽臣來揭謂已行道司集議僉云難增新引備極懇切祇欲於正稅上每錢加銀一分共加銀一千五百一兩五錢八分蓋謂少加猶勝無加之意但舊引代票各商旣得行引之利何靳纖微之助合於原稅每錢加銀二分

共銀三千零三兩一錢六分雖涓滴無遺
滄海而積微亦是成鉅所當酌定徵解者
也伏候

聖裁

一粵東鹽課宜減斤加引查得粵東產鹽二
十九場行鹽地連五省不為不廣埠商引
目僅六萬有奇解部灶課引餉鹽引紙價
視淮課不能十一扣何約也每引少則一
千七百八十五斤多則二千一百四十七

斤甚者海北一引照正餘鹽一萬斤潮州
一引照橋鹽一萬六七千斤不經極矣前
任理餉郎中楊嗣昌議行減斤配引照別
徵餘法不論客商民灶江廣橋鹽每鹽千
斤定爲一引每引一道徵銀五錢三釐自
五錢三釐外聽其應徵若干存留充餉總
計分配引目二十二萬四千三百二十一
道共該徵銀一十一萬二千八百三十八
兩四錢零而原徵解部灶課不與焉內除

原解引餉一萬一千五百九十七兩五錢
三分零并鹽引紙價七千五百兩每年解
入太倉專充舊餉尚該銀九萬三千七百
四十兩九錢六分解充新餉業經天啓元
年九月內題奉

明旨而該省奉行覺未盡也止將原解鹽稅銀內抽
取五萬兩又加一萬六千一百二十六兩
九錢七分解充遼餉視原議尚少銀二萬
七千六百一十三兩九錢九分零崇禎元

年楊嗣昌復申前議奉

旨着該撫按確查速奏二年兩廣督臣李逢節報解

原畱鹽課奉

旨着該撫按遵前

旨確查迄今未報臣等請

勅該省務求行減斤配引照引徵餘規則除原解舊

餉灶課一萬二百六十六兩三分七釐外

歲定引價餘鹽銀一十一萬二千八百三

十八兩四錢零內以原額引餉紙價等銀

共一萬九千九十七兩五錢三分仍充
餉餘銀九萬三千八百三十兩八錢七分
專充遼餉雖額增無幾而涓滴皆度支一
助也至于主事王珍錫議還兩淮額地以
增課額似非無見但查衡永寶郴鹽利爲
粵西軍餉所資汝寧府屬見食淮鹽南陽
府屬食河東與淮北之鹽卽南贛吉三府
雖係兩淮鹽地而久食粵鹽士民相安當
仍舊貫爲便前據楊嗣昌議謂三府食鹽

必過南雄府厥照依減斤配引法就彼稽考亦足增課數萬此則議之可行者也伏候

聖裁

一重邊商以維

祖制議之者舊鹽臣張養也

國初開中鹽引令商輸粟塞下名曰飛輓然以二百斤之官鹽而易商人二斗五升之粟米官徵率薄商獲甚厚是以富商大賈爭趨

開墾塞微股阜職此其錄嗣是准引定
五錢邊商賈至鬻於內商僅得其本商無
厚利誰肯輸邊鹽臣張養深晰其故議謂
商非本色不許開中引非邊中不許行鹽
稍減餘鹽之價少增邊引之值誠足以鼓
舞邊商而使之向往矣臣等竊謂時詘堪
贏或不能遽如此議惟得復設庫價少拯
邊商之苦亦足以示招徠之意查得各鎮
邊商皆係土著小民原無兩副資本必資

得本年引價始納得次年鹽糧向因兩淮
內商越年用引不肯預買邊引邊商難以
守候故疏理道袁世振設立庫價每遇邊
商賈有勘合到司每引先給引價二錢五
分使邊商早得回邊辦糧至行鹽時內商
將應與邊商引價照數扣還司庫名曰庫
價八九年來邊商至淮卽回鹽糧年納年
完天啓六年

大工緊急盡將庫價搜括助工以致邊商守候經

年資本無歸故將鹽糧告停告減漸至歷
欠經年而虧損邊儲甚矣去歲鹽臣張養
曾設有庫價十餘萬數尚未敷舊科臣黃
承昊復爲羣商請命臣部覆奉

欽依暫緩歲解二十萬以給之但邊圉多事歲解必
不能緩合無令於割沒銀內撥足庫價照
數查給按期補庫年給年補其未足之價
仍令內商勒限交易毋令措勒邊商則開
中之舊制猶可存什一於千百矣頃見宣

府糧儲司官亦以邊商庫價不給交易遲滯邊糧停通爲言蓋邊糧之急邊商之苦邊臣知之運司未必知耳臣部與鹽臣提衡邊腹理無岐視合行速爲查給仍令運司將給過庫價及交易過日期造冊報部查考如庫價與交易稽遲責在運司倘庫價已給而鹽糧不完責在餉司臣部且執以定諸臣功罪矣伏候

聖裁

一復倉鹽以杜私賣查

祖制每場設有草蕩派有灶丁使供煎鹽上倉以待商

支卽有餘鹽亦出官鈔收之敢夾帶餘鹽

出場者置重罪防微杜漸法周且甚嗣因

鈔賤無用更無官鎚收買則灶戶餘鹽不

得不准商開中又因倉鹽消折復改折價

給商坐令邊中海支之意蕩然矣且灶得

操奇贏以勒諸商商得私貿易以資夾帶

市井熙攘之徒乘機販運出場任情弊將

何極前郎中楊嗣昌亦曾建議上倉今當
修復

祖制須從兩淮做起仍徵本色入倉聽商支領其餘鹽
亦令營官買補不許私相賣買其折價七
萬兩向充遼餉今既議復倉鹽還商宜令
各商納銀七萬以充遼餉以抵折價之數
推之兩浙長蘆山東閩粵俱令修復倉鹽
規則則漏卮自塞影射潜消引有餘地課
可漸增此誠拔本澄源之要法也惟是煙

戶弱於故常商民難與慮始斟酌時宜以復舊章是在鹽臣加之意耳迺若各場設有草蕩灶戶採草煎鹽以供商支卽其恒產無奈法久弊生豪強大灶兼併開墾橋種稻穀田墜相望亦大非其初矣主事王珍錫言草蕩宜清候選縣丞傅懋禮言灶戶宜編皆真切可行天下運司在在皆然合飭鹽臣行該府縣會同運司徹底清查令其該畝盡復故業戶戶盡供煎辦經界

既定丁戶既清民與灶兩不相蒙別雉莽熬波人有餘力而地亦無遺利矣伏候

聖表

一革浮課以聽商困議之者臺臣饒京張養主事王珍錫也課之有浮溢于正引外之謂其行與壅相爲貞勝遼餉黔吉引鹽雖曰不得已而加然均名浮課以遼餉言之臣部原議每引納銀一錢帶鹽一十五斤各商始則情願納銀不願帶鹽至天啓六

年遂以未帶之鹽奏引並行夫既行加帶
幾萬引自塞正鹽幾萬引則何益矣今楚
餉已減銀五分止應帶鹽七斤八兩嗣後
合止許逐引帶鹽不許概拾餉票覆行加
帶鹽引違者以私鹽治罪鹽貨入官運司
扶同聽行者一體併論此其當議者一以
黔鹽言之先因偏沅撫臣閔夢得有借鹽
生息之請隨查黔中原無官鹽議行准鹽
五萬引歲可得銀六萬五千兩以充黔餉

頃聞黔鹽不能盡至本地多有越賣楚地者楚鹽安能無壅合行鹽臣備查黔鹽如於楚鹽無碍則存充黔餉卽今督臣朱燮元請撥四十二萬臣部以鹽課撥入于內如其作奸越賣不至黔省則懲而革之臣部另行撥補此其當議者二以吉鹽言之原議行者八萬五千引尚有六萬餘引未行只得攤派於江廣地方其徵餘沒等銀六萬八千兩以充遼餉一年卽止今時已

逾期並無課銀解部於餉何裨所宜速銷
速解以結此局者也此其當議者三至於
和含等處

袍價食鹽三萬引昨接鹽臣鄧啓隆揭謂前項食
鹽弊竇甚大行食鹽三萬引卽抵綱鹽七
萬引合將前項食鹽改行綱鹽三萬引計
可增引價餘沒等銀四萬餘兩一轉移間
便有利濟此其當議者四臺臣張養又謂
欲除浮課之害正先禁奸商之橫議臣自

受事以來借名增課赴部條陳者槩斥不行而駘駘之徒猶懷覬覦合無

勅令臣部并巡鹽御史如遇奸商借名增課條陳射利攪亂鹽法者在內容臣部叅送在外聽巡鹽御史拿究庶人知畏憚而奸弊盡祛矣伏候

聖裁

一定割沒以清宿弊查得兩淮鹽法每引除正餘鹽之外如有多帶鹽斤者卽行割沒

入官嗣因歲解不足許帶割沒鹽二十斤
徵銀一錢近議徵銀二錢以湊歲解亦權
宜之道也但原非定制各商每遇掣鹽多
假情面賄賂貪者餌之以財怯者懾之以
勢負緣求減每歲止得銀九萬兩或十萬
兩論淮鹽者每扼腕于割沒之未盡良有
以也臺臣張養議每引加鹽百斤增納餘
銀二錢不名割沒其實卽割沒之別名也
臺臣饒京議旣與之帶鹽二十斤而罰二

錢不若使之帶七十斤而加四錢商無損
而

國有益亦救急之着也但加百斤則每引五百三
十斤加七十斤則每引五百斤恐帶鹽既
多則額引漸壅合無立爲一成之數俾不
得以意增減每引

題定仍許於四百五十斤之外量帶鹽二十斤納
銀二錢共成四百七十斤此外再有附餘
卽以私販論罪盡法沒官其遼餉鹽照依

原議納銀五分帶鹽七斤八兩卽在其內
不許另議加增每季一體起解通計淮南
淮北歲行鹽九十餘萬引除原納割沒九
萬兩外便可增銀九萬餘兩利旣不貲法
亦畫一臣部因臺臣議而復爲裁定以增
割沒於公家而杜冒濫於異日似亦未必
無小補也伏候

聖裁

一清夾帶以防壅滯議之者舊科臣黃承昊

主事王珍錫也嘉靖末年兩淮鹽法大壅
至隆慶初年都御史龐尙鵬以小鹽之法
疏之萬曆四十四五年鹽法復大壅臣部
題設疏理道以減斤之法疏之原寔每引
四百三十斤納割沒銀二錢加鹽三十斤
共鹽四百五十斤邇年以來有壘至五六
百斤者兩淮共行鹽九十餘萬引便約增
鹽九千萬斤以每引四百五十斤計且暗
增二十萬引自不得不明壅二十萬引無

惑乎有掛掣納銀而未行者且七十餘萬引也再如山東運司每引應行額鹽六百斤聞夾帶有重至千餘斤長蘆漸亦有夾帶至七八百斤者閩粵等處益無限制去歲黃承昊議謂當專委鹽道親掣最得肯綮合將兩淮長蘆山東引鹽俱專

勅鹽法道親臨盤掣過關過橋嚴加譏察兩浙閩粵鹽所遼隔聽委推官務要逐船逐馬盡數掣完不許虛沿故事徇情寬假違者聽鹽

臣叅處其鹽包除正餘割沒鹽斤外多則
盡行入官依律究遣庶私竇盡杜則額引
自疏矣至於稱掣之期公私兩持其衡太
急則鹽價減而商病太緩則鹽價騰而民
亦病袁世振題定兩淮與別運司不同每
年止于一掣期定于九月十五日長蘆等
處有分春秋并四季稱掣者各循地方規
則不得任情緩急近聞兩淮有延至次年
方行掣盡者長蘆等處有掛掣趕掣而漫

無期限者總之掣鹽必委廉能正官舊法
共視夾帶等項自無所售其奸若或以竿
牘而先容素成規而零掣阿堵一入何弊
能釐宜自崇禎三年起務將兩淮掣期照
舊定于九月中旬一月掣完至于蘆浙山
東閩粵皆係季掣亦須定立期限不許掛
掣趕掣違者各治以罪鹽臣仍將掣過引
鹽數目日期造冊報部以憑查考又若查
盤運庫以防侵隱稽覈偽引以杜影射皆

鹽法窳要鹽臣爲政所當着實舉行者也

伏候

聖裁

一禁私販以疏官引今天下戶口日繁而鹽引不能加者皆因私販爲之崇也崇禎元年十一月內該臣部接奉

聖諭朕念切邊需憂深國計惟茲鹽筴之利弊實係餉額之盈虛近覽你部條陳與科臣黃承吳疏內事欵咸謂害鹽政者莫如私販私

窩爲甚夫行鹽之地止此州縣食鹽之人
止此戶口私鹽盛行則官引壅滯議法何
繇而疏通邊儲何繇而克裕如長蘆淮揚
等處及浙直沿海地方或糧座馬快等船
往來夾帶或奸棍亡命等衆哨械橫行此
輩皆倚勢豪爲窩販之主故敢猖狂無忌
巡鹽御史與鹽法道廳等官職掌何事乃
縱令奸宄破壞國法而莫之創坐視邊儲
積漸告匱而莫之恤乎爾部卽會同都察

院移咨各巡鹽御史凡兩直各省地方吏治民生既有巡按專職鹽臣不必遍歷內地惟於產鹽行鹽緊要州縣及關津控扼處所加意釐刷專督鹽道及各府總捕廳重以譏察摻防之責不問假克王府投托勲戚及衍聖真人顯宦豪族等緝得巨艦裝帶私庄窩販真情登時擒獲按律治罪販多情重奏請處分巡鹽御史於鹽道及府捕有司官評卽以地方有無窩販會

否捉獲爲殿最知而不獲者以罷軟論其
御史差回考察爾都察院亦要嚴覈果曾
振刷有功舉刺合格與否以爲上下庶幾
一掃宿蠹之風共佐經國之畫三尺具在
無或容私欽哉故諭大哉

王言超越千古臣部業已申飭行矣但今私販不能
盡杜而官引尚稱壅滯者其故何哉因行
鹽之處已巡邏不力而產鹽之場又譏察
或疎在捕鹽之役旣狼狽相倚在巡鹽之

官亦逡巡莫振是以申飭徒勤祇成故事耳今查禮臣徐光啓議禁私販諸款最悉內如奸商夾帶則嚴盤掣之法奸民與販則申協捕之令越境私鬻則問從出之途至近場之地必通行官引而賤其值功績之鹽必給賣商人而銷其引皆至當不易之論也若巡鹽之官能遵奉

聖諭自院道以及府縣巡鹽等官悉以有無窩販爲優劣以捕鹽多寡爲殿最殫心搜緝不畏

強禦則私鹽絕跡而官鹽大通矣乃其後
本猶在運司科臣祝世美之言曰巡禁於
江湖之際難綜察於產鹽之地易合者爲
令自運副以下各有分轄鹽場令其時巡
場灶但有私販即時覺發場官以不職論
仍坐灶戶私賣之罪若果風清弊絕卽註
上考推陞夫旣禁於產鹽之場以澄其源
又緝於行鹽之處以清其流如此而私鹽
不杜者臣不信也伏候

三裁

一久任鹽臣以課成功議之者舊鹽臣張養也省直新舊盜課頭緒猥褻整頓經理必須日久終詠方晰利弊乃鹽差拘於常格一年一更巡歷甫週瓜期已屆總有嘉猷離境便成故事新差鹽臣如入閹室又苦無從措手今寓內之鹽課惟兩淮爲最駭鹽課之弊竇亦惟兩淮爲最紛此非有過人之才兼人之力而又兼之以久任未易

程功而奏效也今鹽臣鄧啓隆定見定
持庶秉公真足以勝其任而無忝者合無
勅令久任限以三年報滿比照學差事例隨帶家眷
准作二差有功優擢差滿之日仍令新舊
鹽臣面相交代蓋久任則責專而政無寬
假面代則親訂而更難欺隱閱歷既精虜
功自奏其他兩浙長蘆亦可漸次做行再
照鹽臣持斧督課所關重大省直遵設而
惟閩粵無之止以按臣帶管源任中揚

嗣旨議將廣東提舉司改設運司并添設
巡鹽御史兼督福建廣東鹽法往來總理
且謂彈壓有人可歲增課三四十萬臣前
此恐難更始未敢遽准恭奉

聖諭云不得憚更始而避解絃則閩廣之巡鹽宜添
設廣東之運司宜改選也蓋閩粵壤地相
接不妨兼管卽如長蘆鹽臣兼管山東運
司成例可按夫添一差改一官而可足

國宜民則何不可自今日始者但巡鹽久任與添

設巡鹽事關憲綱應聽憲臣再行酌議改
設運司事關銓法應聽銓臣再行酌議臣
等未敢擅定至於鹽政利病多端文移浩
瀚一切題覆章奏綜覈錢糧猶非臣部正
官一人所克料理查得臣部左侍郎原有
督理邊餉之責祇奉

專勅而實無所事事不若卽以鹽法及屯田事務委
之令其講求催餉提衡寓內如事例堂錢
法堂之類而臣部正官仍總其成比於鹽

梅相調堽箠相和斯亦集思廣益宜用人而不必自用者也伏候

聖裁

一復設道臣以專疏理夫各運司俱有鹽法道臣管理鹺政况兩淮鹽利甲天下頭緒繚禁利弊典別更須專官振刷往時原設有整飭鹽法道一員復有疏理道一員繼因一柄兩持遂將兩道併爲一道未幾以疏理道原屬暫遣并議裁革而鹽法歸併

海防道帶管該道駐劄秦州距維揚遼迤
且治兵防海是其專責陪巡各院又無暇
畧若非仍設道臣專理鹽法如清夾帶禁
私販革浮課查給庫價嚴覈考成等項不
幾方圓並畫顧此失彼乎莊誦

聖諭一則曰諮求心計一則曰何官可以專管

天語諄切臣等備行諮訪有謂鹽法要在得人

祖制雖有巡鹽御史鹽道然積弊日深官多傳舍未盡
釐剔不如戶部選一廉明司官熟知此弊

者限以月日催課速解試驗能否倘有成
效永爲定式者科臣祝世美之議也有謂
主事王珍錫二疏鑿鑿有據兩奉

明旨一則謂其利弊明悉一則謂其具晰利弊聞其
探討已久若身到此地必有一段真經給
惟但宜樂觀其成而不爲掣肘者臺臣史
堃袁弘勳之議也有謂鹽法條議每多可
採而舊科臣黃承吳言之最先最詳曩者

召對獎俞旋被

命與彼處院道面同恭詳回奏諸疏祛蠹生財利
咸悉宜責議事者以任事資格相宜調補
兩便者臺臣楊方盛龔守忠錢士貴之類
也臣部竊謂推轂二臣如王珍錫黃承昊
均稱一時心計之臣可收嘉謨實際之益
若欲設鹽法疏理道二臣必居一焉今當
恭聽銓部酌定推用庶用人理財兩得之
矣伏候

遵奉 聖諭議修屯政疏

謹

題爲遵奉

聖諭議修屯政以足兵食以裕

國計事案查崇禎三年四月二十六日該臣等接
出

聖諭屯鹽二事屢經條陳屢奉嚴旨通未見效總因
事無專責人皆推諉且或舉行無法窒碍難施是
以申飭徒勤過眼便成陳迹已有旨着部科諮

求心計考究確數如何所奏猶然隱漫不甚明切
還着通將從前條議各疏及頒過明旨摘陳要款
區畫便方要見何官可以專管何時可以考成何
地與何法相宜何計與何項相合須劃然明白使
知如何則行如何則不行如何是效如何是不效
不必務恢張而鮮實益不得憚更始而避解絃務
得真實着數至確至妥以便永遠通遵自今彙集
羣策酌定良規朕卽據以殿最各官且于爾部科
責諾課效一應紛紜條奏都無所用該部卽詳確

總議來說欽此欽遵謹將

聖諭刊刻書冊分送各衙門諮求心計去後隨准戶
科抄出禮部左侍郎徐光啓奏爲恭承

明命俯竭芻蕘以裨

國計民生事本年五月二十一日奉

聖旨力作墾荒禁私疏墜最得屯塩要領部科正在
集議這所奏着一併參酌務期必行還詳加條畫
來看該部知道欽此又該禮部左侍郎徐光啓奏
爲欽奉

明旨條畫管見以備

聖明採擇事本年六月十七日奉

聖旨這䟽條畫屯塩如開荒用水除蝗禁私晒塩各
項俱源委詳明鑿鑿有據着遵前旨一併議覆該
部知道欽此又該巡按直隸等處監察御史李玄
題爲屯政積蠹已深清釐須奉

天語謹摘緊要一款祈

聖明允行以佐

國儲事本年六月十八日奉

聖旨這所奏省直墾屯增科銀數知道了內開報太
少的着再加覈飭屯政見在會議凡有應行事宜
還與該部科商酌具奏欽此欽遵通抄到部并據
科臣祝世美投送議單前來除將鹽政另行具
奏外該臣等會同戶科都給事中玄默等看得
屯田一事原古者寓兵于農之意

國初軍屯綦布星列

太祖高皇帝曰朕養兵百萬不費民間一粒粟洋洋
聖謨天日於昭我

皇上聰明神武遠紹

祖烈念茲屯政敝壞毅然修舉且

天語諄切責臣等以必行而先後諸臣條議縷縷幾
於章滿公車要其大指不過復

祖制之舊屯與闢目前之新屯而已舊屯者軍屯也
無論邊腹皆有舊額新屯者民屯也無論南北
皆有荒蕪但舊屯廢弛已久非有極直截極嚴
明之法不能徹底澄清也新屯事任艱煩非有
極鼓舞極周詳之術不能算計見效也而舊屯

聿修新屯廣闢真

國家極徽美極隆鉅之事非合羣策羣力職詳職要精心殫計弗能共勝其任而愉快也臣日夕圖維多方採酌擇其實實可見諸施行者陳爲十款謹開列于左

計開

舊屯當議者有四

一清隱占以復屯制此臺臣羅元賓之議也

查天下屯田原額共計六十五萬五千五

百一十二項有奇其各衛所軍黃冊與屯地魚鱗圖冊俱按籍可稽

國初並屬軍種不許私相典賣而今非其舊矣邊腹諸屯地異而弊亦殊如宣大山西一帶軍多屯廣田連阡陌則將領爲之崇耕耘役所部之軍丁籽粒入閫帥之倉廩矣延寧甘固之間邀功冒襲世職最夥則巨族爲之患土地盡屬其兼併而窮軍不得有立椎矣至各省直典賣紛紛世遠人亡業

主不知幾更今欲追奪佃種盡還各軍此
必不可行之勢也爲今之計惟在極力清
查責令撫按轉委屯道督率有司衛所官
不問在軍在民但據見在地主俱令從實
首出要見本衛所軍田原額若干今實在
本軍自種若干或轉屬他軍包種若干或
實已得價典賣民間若干或未經受價勢
豪霸占若干或本軍力不能耕拋棄若干
或軍民饒有餘力冊外新墾若干俱取坐

落某處地數頃畝四至圖形申報按冊而查履畝可勘照軍查冊照田對冊務令一
一脗合給與繇帖承種如有隱匿埋沒者
查訪得出卽奪所匿田土入官召佃或被
告發卽以轉賞所告之人並究買主欺隱
之罪完日通行造冊立案照例徵收則豪
民無所匿其奸猾胥無所容其弊矣

一定科則以增賦額此科臣汪始亨之議也
夫官屯私賣已寢久莫禁矣但軍買軍業

仍在應軍之差猶可言也逮一落民間轉相授受卽爲民地彼既有軍之產又復避民之差百姓之催科攘肌及骨佃軍之豪右薄賦輕徭殊失其平此科臣所以有照民田起科之議也臣部題奉

欽依勒限奏報原議兩京九邊果本軍自種者照舊例納糧其餘省直不論軍種民種一槩俱照民田起科但今修復

祖制則起科之法似宜再加參酌如本軍自種或軍

佃軍屯則仍照屯則徵糧如係民間佃買
方令加等起科庶

祖制不苦於紛紜奸民無容其欺誑耳查大明律一
款凡用強占種屯田五十畝以上官調邊
衛帶俸差操旗軍軍丁人等發邊衛充軍
民發口外爲民三尺凜然法無假貸果爾
則人知惕栗矣清查之法各省撫按行屯
田道兩直屯院行該道督率各府衛從事
完日彙冊送督撫轉送本部稽查臣部前

覆科臣疏責成各府推官督率清丈想今
已有頭緒若肯加意奉行自覺下令於流
水之源耳

一謹徵收以充額餉各衛屯糧管屯衛官實
司徵收惟是不肖貪弁視管屯爲利數缺
出則百計鑽營徵收則任意花費借言拖
欠實爲大蠹前屯臣羅元賓謂慎選屯官
爲完糧第一義良是確見而廉選之法又
無如卽令掌印及經歷公舉取結附卷日

後連坐均賠仍令各府清軍官不時查覈
銷算斯實簡要切當之法也內兩京各邊
原收本色屯糧者俱仍舊入倉非遇大荒
之年猾弁不得希恩改折屯臣不得市德
曲從至於各軍屯糧謬稱應得之物徃徃
祈求兌支混淆成法緩急靡當亦宜一槩
停止其腹裏地方原收折色者聽從其便
惟民佃軍屯者量加新增起科之數亦收
折色以充新餉此外每石加派八分已隸

雜項新餉之內久有成說無容再議矣
一速查叅以餉功令屯糧係軍國重務叅罰
之典功令森然若依期舉行則逋負者歲
月非遙未徵蠲免之恩叅罰者挫抑方新
易奮督催之力迺今壓年查叅錮習相沿
茲于崇禎三年湖廣方叅天啓四年大同
方叅天啓四五年隔越已經數載查叅竟
成故事已蒙

聖明督責申飭矣此外如山西河南浙江江西等處

數年竟不叅罰者比比也法紀盡弛相繼
成玩將安底極今宜申飭撫按此後查叅
之典止許相隔一年毋令淹久查叅時時
提醒積逋自難倖免而屯政可望其修明
矣至於各省直屯糧多與民糧合而爲一
卽萊州衛指揮楚邦楨所謂民屯者是也
前代屯糧不足則以民糧輔之俱充衛所
官軍俸糧之用山東撫臣王從義先清出
銀六千三百兩解部又續清出銀三萬四

百四十二兩抵充東兗兵餉三吳撫臣曹
文衡清出本色米五千二百石有奇折色
銀九千六百六十六兩有奇見今奉

旨載入考成每歲解部充餉其餘省直並當倣此清
覈未必非軍

國醪續之一助也

新屯當議者有四

一廣招徠以開荒蕪此禮臣徐光啓之議也
竊照拋荒之地昔年任土作貢各有田疇

惟是一遭水旱地畝既無所入官府復有
所徵小民勢不得不棄恒產而輕去其鄉
灾稔相連一境遂成甌脫此淮潁徐宿一
帶向時阡陌相連而今且一望灌莽俱爲
不毛之土也夫地爲生財之源廣土樹藝
其誰不願但牛種農具房屋人工非挾重
背孰能開闢乃邇年軍興煩費所在庫藏
如洗官帑又無可貸惟有爵賞一項

朝廷出之無窮可以鼓舞人心誠勅爲功今不論南

北士民凡遇拋荒地土聽其自爲開墾如
禮臣所謂招誘之法一虛一實虛者如武
職之空銜照依墾田多寡頒給指揮千百
戶等劄付實者登進仕籍遇州縣生童考
試許其附籍遊泮以鼓舞之微權收耕耨
之實益其言鑿鑿可行人未有不競趨者
也且開墾愈久則地愈成熟開墾愈廣則
償愈隆重荆棘之區旋成陸海漢家力田
取土原是一科况實爲

國家出菽粟而增賦稅者哉此不再計矣

一收本色以佐軍糈夫胼胝鋤耨本是勞苦而墾闢草萊更屬艱辛若成績美利已燦然可紀而反付之一擲如天津等處者良可惜也查天啓二年屯撫董應舉奉

旨頒發

帑金招撫屯種一時價買及捐助田共計一十九萬八千九百五十四畝八分設立屯官專精開墾歲給屯本秋成收息總費四萬餘

金後收過籽粒補還部銀一萬四千兩米
麥高粱本色兌運關寧共六萬二百二十
三石計值銀四萬九千餘兩而脚價等費
亦皆自給皆從屯出則屯之非無效明矣
及董應舉以鼓鑄去而屯政遂大廢圯捐
助屯地概從開除又退歸民間追還原價
者七萬九千七百三十餘畝僅存武清等
十州縣堪屯地六萬五千九百一十六畝
五分止耳每歲題

准額徵屯租二千二百二十餘兩終覺存平見少且
今海運召買所費不貲近日尤苦騰貴畿
輔大苦驛騷若每歲得米麥黑豆高糧二
三萬石之入所濟亦非渺小奈何薄而不
爲也又葛沽何家圈四當口等處所種水
田昔年亦多有獲天啓三年曾運白米四
千石抵關充餉凡皆已試之效也繇此推
之畿輔之荒田甚夥津涿之水利無窮若
當國儲如洗之時而坐視我疆我理者流

穢不治顆粒不登亦大非策矣至於遵承
薊門一帶有從逆無主產業皆素稱膏腴
用力少而成功多者近科臣祝世美已經
具奏奉

旨行查沒官充餉亟宜清核頃畝召民承種或取田
租以佐軍興或給兵屯而減月餉自是邊
徼無窮之利此外更令挑挖品溝田旁多
種棗枳榆柳等樹數年之後遍野成林可
禦虜馬可施埋伏而畝澮成金湯之固矣

一責有司以勤勸相凡燕趙齊魯梁宋之
拋荒不少此日灌莽萑葦之區皆昔年
鑄鉏艾之地安在其不可耕稼也者特
無人勞來勸相耳北直屯田御史專理
轄中州二東舊例州縣有司每歲報有
荒地土然多虛開妄報以希薦剡之榮
以冊籍不明陞科無期催急則捐金以
抵催緩則借口於連負有雖報開墾
烏有者矣有旋開旋荒者矣近惟屯田

史李玄置冊登記按三年而起科覈數輸
將勤有司而起解任內通共增銀一萬
千八十兩零臣部深賴其同舟共濟之益
便可循爲規制再加申飭合令屯田御史
責成州縣各丈境內荒田已開若干未開
若干造冊申報定以十分爲率每年開墾
三分期於三年盡完出示招募許人任意
受雇捐資墾種具投認狀到官各給繇帖
其有不能具牛種者公家量給秋成償還

至於起科之例俟諸三年不求速效三年
之後分別上中下三等起科充餉其有司
勸懲之法應以開墾溢額者優擢及額者
紀錄未完二分者罰俸未完四分者住俸
未完六分者降俸二級未完八分者降職
二級赴部調用全未完者徑行革職每遇
屯田御史復

命查叅臣部議覆蓋土地荒蕪田野不治卽有司之
曠職以此繩之亦復何詞夫有所誘於前

又有所鞭於後則有司之不振奮者鮮矣
一興水利以備旱澇從古風氣異宜故五方
之俗其耕耘種植巧拙亦甚不同大抵東
南人習耕稼而地苦不足西北地多曠衍
而人苦游惰此禮臣徐光啓所謂均民之
法招狹鄉之民使人寬鄉者也今北方之
人不習水利須招南方善耕者雜處教習
因天時相地利平陸多高阜則溝洫宜深
疏渠引流之法可學也海濱多低窪則堤

岸宜高作圩建壩之法可學也推之而湖
蕩蘆葦之場瓦礫牧馬之處無不可以人
力而奪天巧闢地利古者后稷教民稼穡
亦猶是耳惟是天下利之所歸卽害之所
來故屯方創人皆視爲非常之舉屯方成
人遂視爲逐羶之地其間借口於故業投
托於貴顯倚勢作威弱肉強食豪強吞霸
勢所必至夫田家作苦方荷耜嘻嘻而來
一旦貽之以害有颺然望風掉臂而已法

須申飭保護凡耕墾之民與管屯之官務
要痛杜侵凌如有連界不明水道相接者
投告有司據理直剖無徇情面無拘貧富
則

國有王章而人成樂土矣

合新舊二屯言之其要尤在用人所當議者
有二

一設總理以董成功屯田

國之大計臣部殫力遵行莫敢怠皇但臣部止能

議法卽在外司道州縣亦止於奉行而甲
可乙否此從彼違未必能使衛所郡邑邊
腹省直較若畫一則官不專而權不重前
無指示後無稟承所以迄鮮成功也粵稽
洪武時命左都督楊文往遼東衛國公鄧
愈往陝西中山侯湯和往彰德各屯田永

樂時

命靖安伯王忠往北京屯田宣德時

命兵部侍郎柴車往山東屯田景泰時

命倉場尚書提督屯種嘉靖時選風力重臣二員兼
理屯政萬曆時擬

命大臣分督屯田不果天啓四年臣部前任尚書參

宗延

請設總督屯田憲臣奉

旨行部議奏而亦不果夫有治法無治人法令畢張
則任人滋重矣除沿邊舊屯仍責成督撫
自爲料理外其腹裏省直新舊屯田合無
擇一經濟大臣曉暢世務胸中具有成畫

如禮臣徐光啓其人者往來巡行駐劄津
涿淮鳳之間一切軍屯民屯事宜悉聽多
方調度隨事綜覈朔制合宜剔釐僇僇品
第其地畝之肥瘠會計其屯課之多寡文
武將吏并衛所各官年終舉劾以爲勸懲
其清過軍屯墾過民屯并新增錢糧造冊
奏報再以戶部左侍郎原管邊餉堂者兼
管屯鹽事務督理講求於內按籍稽查彼
此呼應則中外重臣俱得其人於以均民

廣業而開無窮之利將在是矣

一增額道以便責成夫有屯政卽有屯官而屯官難言之矣昔人謂役精神於旁午之文移費積聚於汗牛之冊籍則任勞清隱占於難拔之豪右行督查於情面之有司則任怨任勞任怨固已難之而見效且遲遷轉且滯此人之所以不樂就也

祖制各邊屯田係各該撫道并餉司爲政南北兩京設有管屯御史而浙江等省則係撫道專

管其河南山東總轄於北直屯院此係舊
屯舊制但須一加申飭可矣今議創開新
屯不設專官何繇課效其在北則津門一
帶地皆沃壤往時屯撫董應舉曾奉

命屯田尋以別轉而罷在南則淮鳳之間更多腴土
去歲益臣張養曾議開墾亦以差竣未果
合無於津涿淮鳳兩地各設屯田道一員
以心計之臣充之如禮臣徐光啓之議其
人聽在京九卿科道訪實保舉通知農務

水利及有志富

國足民者從優陞授給以專

勅關防專管屯務無論軍民商賈願募闢墾悉聽其
便如重臣及屯臣出巡則從以省方重臣
及屯臣回署則代爲分理於以一事權而
專責成將人情競勸而東南其畝者遍遠
通矣

以上十款皆卑之無甚高論總之當三空四
盡之日而開非常美利之源緣課功責實

之謀而圖裕

國安邊之計云爾夫徙木可以立信而疑行累歲
無功舊屯新屯無他奇巧惟翼斷在必行
而已小行則小效大行則大效行則效不
行則不效所謂以七年之病而求三年之
艾者也惟願同事諸臣共殫心力毋以事
屬艱難而避之毋以議若迂遠而棄之裨

補

國計良非淺鮮逮夫物力充斥可戰可守而後徐

議兵屯以比於管平贊皇之烈俟吾盭政
修明疏壅去滯而後徐議商屯以復夫入
粟開中之規蓋四屯不能一時驟舉惟先
務之爲急而後功可馴收也恭候

聖明採擇

勅下臣部移文各該衙門遵奉施行事關屯政語涉
冗長臣等可任悚息待

命之至

崇禎三年七月十一日具

題本月十五日奉

聖旨這條奏新舊二屯舊屯首清隱占既說勢不可
行若止清查起科查叅徵收在北貢屯差御史省
直各邊責撫按道及餉司自可了事何必專設大
臣且非

祖制養軍之意新屯招徠勸相及興水利等項俱屬
可行還查董應舉當日發帑專理何以倏興倏廢
必是處置未宜致法難經久利弊安在該部再行
確議具奏欽此